

POEMATATA

MISCELLANEA.



LONDINI
Excudebat VV.I.

Anno Dom. 1612.

1 Conamina quædam, seu
versiones Psalmorum ali-
quot Davidis.

2 Eucharistichon Deo opt.
max. pro Salute mirè bis eo-
dem Anno restitutâ.

3 Κατόπτρον ὑψηφάνιας. *Speculum Superbiæ.*

4 Ecloga ad Mæcenatem.

5 De lite inter Med. Lond.
& Antonium, de Auro
potabili Epigramma.

Ad



Ad Serenissimum & Illustris-
simum HENRICVM FREDE-
RICVM Walliæ Principem.

(* *)




*Væ panxit sacrâ diuina poëmatâ linguâ,
Rex olim vates, Principe digna legi.
Verum indignus ego (fateor) qui Regia
plectra
Dauidis, tanti in Principis aure sonem.*

*Accipere at placido rudia hæc conamina vultu,
Te dignum (Princeps inclyte) vine, vale.*

Tuæ Celsitudini deuotissimus.

Fr. H.





Psalmus. 1.



Beatus Oelix qui patulas præcluserit fortiter aures
 Consilij nequam, vitiorum tramite lato
 Qui nunquam incesit prudens, qui scom-
 mate fallo

Insultus nunquam confodit corda piorum.

Ast in lege Dei vitam, moresque tuetur,

Ceu in speculo faciem, sese componit ad illam,

Illâ se oblectat, noctesque, diesque reuoluens.

Talis hic, ut pingui crescens per amœna fluentia

Arbor agro, quæ fronde viret, quæ flore nitescit,

Luxuriat fructu semper, neque sydera Cancræ

Vrentis metuens, gelidæ neque frigora brumæ.

Impius è contrâ glumæ assimilabitur aptè,

Quam ventus vacuas hinc atque hinc spargit in auras.

Sic(ô) sic Stultæ fiet, turbæque rebeli,

Quæ Cœli intrabunt speciosa Palatia nunquam.

Hæc iustis sanctisque patent, occlusa prophanis

Quippè pios certum est, oculis spectare benignis

Cœlorum Dominum : Sontes sed destinat iræ

Et meritis pœnis iustissimus Arbiter Orbis.

SUrge (Deus) succurre tuis, cadit vndique iustus,
Et pius, his Terris Pietasque Fidesque relictis,
 Cœlestes cœlum Diuæ petière, prophanos
 Exosæ mores hominum : nam retia tendit
 Fratri quisque suo : dulci circumlita melle
 Verba fluunt, vultus placidus, gestusque benignus,
 Aspidis ast intùs latet imo in pectore virus.
 Diuitias cuncti instabiles mirantur, & omni
 Obsequio dignas reputant, Aulasque potentum
 Ceu Muscæ infestant palpones, turpiter illis
 Arrident, magno quicquid fecêre boatu
 Collaudant, nigro signandum stigmatè forsan :
 Sic vestire solent niueo virtutis amictu
 Omne scelus, portenta hominum, pestesq; Regentum.
 Palpantes verò linguas, tumidasque sonantes
 Ampullas Deus abscindet, flammisque dicabit.
 Quippè beant animas proprias, sibi prospera spondent
 Singula : num quisquam nobis dominabitur (aiunt)
 Aut fræna iniiciet linguis? Agnoscimus Eugè
 Nos nullum iimperium, aut Dominum, juga nulla fere-
 Sed crebros propter gemitus, planctusq; piorum, (mus.
 Surgam (ait Omnipotens) hostesque vlciscar, & ipsis
 Præstabo æternam splendenti in Luce quietem.
 Verba Dei argentum referunt quod septiès ignem
 Expertum, magis atque magis splendescere natum est.
 Nunc quoniam spondent tua sacra Orâcla salutem,
 Protege dilectos, Mundi calcato Tyrannos,
 Qui vano Cœlos studio infanoque laceflunt.

Psalmus. 23.

P Astorem agnosco Iouam qui singula largâ
 Suppeditat dextrâ, humanus quæ postulat vsus.
 Ille mihi Cäulam viridanti fixit in aruo,
 Murmure quem placido saliens interfecat amnis.
 Hinc me nulla vrit sitis, aut ieiunia torquent
 Tristia : semper adest pleno mihi Copia cornu.
 Quodsi quando ægro languescunt pectore vires,
 Ille manus adhibet medicas, redditque salutem.
 Inde ego nec portas mortis, neque Tartara Ditis
 Atra exhorreo : virgâ me corripit ille
 Errantem, rectâq; pedit me dirigit albo.
 Mensa auro, argentoq; nitet, lautisq; referta est
 Et varijs dapibus, mihi plenis vina ministrant
 Affecæ cyathis, (spectantibus hostibus) alto
 Vertice ad extremas stillant mihi balsama vestes.
 Ioua erit ergo mihi semper Deus; illius Aulâ
 Aetatem lætans omnem spatiabor, ouansq; .

Psalm. 112.

Q Vi timet æternum Iouam, qui diligit omni
 Affectu legem diuinam, ille, ille beatus.
 Istius in terris sancta, & generosa propago
 Florebit, domus ipsa bonis plenissima, multis
 Perdurat Seclis stabilis, nomenq; perennat.
 Gaudia in aduersis sentit, lux clara refulget

B

In

In tenebris iusto, quoniam fuit ille benignus
 Fratribus afflictis; fouet hunc Clementia cœli
 Atque pias reddit magno cum fœnore merces.
 Deficit huic animus nunquam, quia nomen in Albo
 Sanctorum agnoscit scriptum; neq; iussa Tyranni
 Sæua exhorrescit, neq; acerbæ nuntia mortis
 Intrepidus metuens, hostes sed despicit omnes:
 Pauperibus fuerat quondam solamen: amore
 Summo erit hic viuus, suauemque relinquit odorem
 Venturæ ætati: celebrant pia facta Nepotes
 Vnanimi assensu, rumpantur vt ilia iniquo
 Inuidiâque fremat dentes, & tabe lique scat.

Psalmus. 131.

ALtum ego non spiro, vultu non temno superbo
 Afflictos, Rebus nunquam me immisceo magnis:
 Sed quasi materno depulsus ab vbere paruus
 Filiolus, tacitus fileo, placidèque quiesco.
 Tu sancta Isaci Soboles confidito Rupi
 Seclorum, Clypeus tuus hic & Robur in æuum.





Eucharistichon Deo opt. max.
 pro Salute mirè (si non miraculose)
 bis eodem Anno restitutâ.



*Ens mea (quam nuper seruauit fan-
 cibus Orci*

*Omnipotens, mortisque ipso de mar-
 gine traxit)*

Diuinas gestit laudes celebrare, sacrisque

Thura adolere Aris, meritas et soluere grates:

O quàm te memorem (Deus optime, maxime) cuius

Infinita replet bonitas, cœlumq̃, solumq̃:

Qui donis cumulas hostes, qui diligis omne

Semen Adæ, quamuis durâ cervicerebille,

Ingratumque nimis; proprios super omnia alumnos,

Christi olas sanctos, sobolemque fidelis Abrami,

Quos tibi non vili pretio, sed sanguine fuso

Innocuo gnati unigeni, sanctique redemptos

Antiqui imperio colubri, tristisque Gehennæ

Fecisti heredes vitæ, cœloque beasti.

Tu me degentem densâ in caligine, cœno

Mundana hærentem sordis, per devia cæcum

Duxisti errantem, sacrosancti ad lampada Christi

Splendidam Euangelij, collustrans mentis ocellos
 Verbi luce tui, clarè ut discernere possem,
 Tartareos Papæ fumos, quèis fascinat Orbem,
 Purpureæ & fraudes Meretricis, pocula dulci
 Aurea, lethifero sed pocula plena veneno:
 Pupillum tenuem, charisq; parentibus orbem
 Cepisti in gremium, curamq; ineuntibus annis:
 Tu me ad Musarum sedes, & Palladis arces
 Misisti, proprijs fouisti sumptibus, ac si
 Emissâ è calis dextrâ, mihi traderet illos
 Angelus, aut celsis plueret de nubibus aurum:
 Temporibusque famis, tu me cùm copia rerum
 Deficeret, dura et multos vexaret egestas:
 Cùmq; homines larvarum instar, per compita passim
 Clamarent, turpes macie, et squalore, petentes
 Frustum unum panis, plenè lauteq; cibasti,
 Vix ut sentirem miseri ieiunia vulgi:
 Tu multis haud retrò annis saevissima pestis
 Cùm vastaret agros, atque urbem depopulata est
 Londiniam augustam, nunc ut vix vlla subesset
 Sana domus, quâ non luctus, gemitusque sonarent
 Assidui, et quam non truculenta intrauerat hostis,
 Et miseras edens strages, complêrat acerbis
 Funeribus septem ter mille cadauera soles
 (Mira at vera loquor tristi eduxêre feretro.)
 Meq; meamq; domum sartam, tectamq; manere
 Iussisti, medijs cinctam licet ignibus, unus
 Quos tenuis paries tantum secreuerat (altos

Vicinis

Vicinis gemitus morientium audire licebat
 Aedibus) & quenquam vetuisti ledere nostris
 E famulis , gladium aut rutilantem intendere in artus
 Celestem Armigerum, populū qui strauerat omni ex
 Parte, & mortiferas infligerat undiq; plagas.
 Mille meā dextrā, mille & cecidere sinistrā,
 Saluus at ipseus eram; (magē quod mirabere) ad ades
 AEgrorum itaui, haud manibus tractare recusans,
 (Nec tamen ulla luis sensi contagia) tetros
 Nidores hausī crebrō, fedosq; vapores
 Impunē, illaesus. O quanta hac gratia! Quantus,
 Quā diuinus amor fuit hic! meminisse iuuabat
 Elogium sanctum, charis quo Christus alumnis
 Angues calcandi tortos, aconita bibendi
 Lurida, et omnigenos superandi vim dedit hostes.
 Hæc mihi (sic cuius) verissima præstitit acer
 Ille Leo sacrā Iudæ de gente, triumpho
 Qui veterem duxit colubrum, portasq; Barathri,
 Ille (inquam) mundi magnus seruator Iesus.
 Tu nostram, Scyllam mediā, seuamq; Charybdim
 Tranantem, saluam statuisti in littore cymbam.
 Naufraga (spectaculum miserū) vidi agmina multa
 Vorticibus rapidis mersa, et iactata per undas,
 Per varios casus, per mille pericula, vite
 Infesta humanæ, saluum tectumq; tulisti.
 Portio tu mea semper eris, clypeusque, salusq;
 Tu turris munita, et inexpugnabile asylum.
 Magna quidem memorata suprā, maiora sequuntur;

Omnia, quod superest, superat : nuperrimè ab ipsis
 Inferni portis, immanis & ore sepulchri
 Hanc animam (tibi quæ laudes cumulare vicissim
 Tota effusa cupit) Bonitas immensa reduxit,
 Cum sævus fragiles morbus depasceret artus,
 Cordi Principio vitæ, & Pulmonibus atrum
 Exitium teneris minitans, cum membra liquaret,
 Exurens carnes febris, vix ossa relinquens,
 Fecerat exuccum skeleton, viuumq; cadauer.
 Noctes atq; dies dolor intensissimus omnes
 Attrivit vires, cum languida crura tremores,
 Et reliquos quaterent artus, iam, iam ruituram
 Narrantes luteam fabricam, præ limine Mortem
 Ancipitem stringentem ensem, quo stamina vitæ
 Scinderet, in tenues animam dimitteret auras.
 Nox optare diem veniens me sæpè coegit,
 Ad veniensq; dies, noctem sperare quietam.
 Nulla quies, non ulla tamen cessatio morbi
 Funesti, extremum at minitanti cuncta periculum :
 Dicebam abscissos annos, tetricasq; Sorores
 Vitæ filæ meæ subito rupisse, nec unquam
 Me visurum homines viuentes amplius, horâ
 Omni obuersabat tristissima mortis imago.
 Me tamen iratus quamuis sit visus apertâ
 Fronte Deus, virgamq; manu, gladiumquæ teneret
 Occultò, toto hoc complexus tempore amore est,
 Et dedit obscuri haud quam plurima signa fauoris,
 Immiscens dulci mihi tristia pocula melle :

Præcones

Praecones verbi misit, qui saepe iacentem
 Alloquio sacro solentur, vota quae fundant
 Feruida, ut ignoscens vitij, mihi tempora vita
 Protraheret Deus, & iusta cessaret ab ira.
 Sed nec amica manus Medicorum defuit, arte
 Paeniâ lenire malum, & depellere multis
 Solliciti ingenij: mihi chara, & sedula coniux
 Insomnis peragens noctes, fidiq; ministri
 Assidue astabant; fratrum quoque gratia summa
 Visentium affulsit crebro, & bona cuncta precantium.
 Denique nil deerat Rerum, quas postulat usus,
 Pharmaca seu spectes, seruos, salubremue dietam.
 Non diues melius, Satrapas, magnusue Dynasta
 Curari poterat; largâ sic singula dextrâ
 Praebuit omnipotens: sic dulcia miscet amaris.
 Dirus at interea morbus crudeliter omnes
 Inualidi partes vastabat Corporis, Hepar
 Immemor officij, iam non mittebat alendis
 Purpureum membris succum, Cor, fons & origo
 Arebat vita, fumantibus ignibusustum.

Ast tandem omnipotens (bonitas cui pristina cordi)
 Aerumnas serui respexit, & Atropon istis
 Compellat verbis: Non est locus amplius ira,
 Quin promptâ tu siste manum, mihi parcere certum est
 Huic anima, atque iterum vitalem infundere succum,
 Tabificos artus, siccata humescere membra:
 Quippe meo imperio mors, vitaque, paret & Orcus

Illa nouum molitur opus, Clotho, Lachesisq;
 Inspissat filios tenues hac, altera versans
 Producit digitis, solitâque statuminat arte.
 Spiritus actutum exhaustus, et languida virtus
 Erexit sese paulatim, carnea moles
 Crescere, et immanis sensim discedere morbus
 Cæpit, ut arescens arbor, quæ tempore brama
 Horrida, nuda comam, squalēs, quasi mortua, rursus
 Vere nouo latos profert cum germine flores.
 Utq; puer nuper natus procedere primum
 Paulatim didici, charis suffultus utrinq;
 Hinc atq; hinc socijs, lentos dein scipio parvus
 Firmabat gressus, pedibus confidere tandem
 Ausus sum proprijs, consuetaq; munia obire,
 Artis Apollineæ, tractare negotia, tantis
 Intermissa malis, solitos et ferre labores.
 Sed miser heu nimium (quid enim tacuisse iuuabit)
 Heu nimium vecors, et demens, discere tantis
 Haud potui monitis pietatem, temnere mundi
 Illecebras, totum me Christo tradere, rursus
 Ut canis ad vomitum redeo, peccata resumo
 Pristina, auaritiam, luxum, curasq; profanas;
 Hinc noua me penè tempestas obruit ira
 Diuinæ, immani subito quæ gurgite cymbam
 Lassatam, medijsq; ferè submerserat undis.

Fabrorum dum nuper agrum pertranseo, ad ædes
 Festinans proprias, incautus, devius, audax

Heu

Heu nimis in medias miserum me immittere turbas,
 Ecce duo iuvenes cursu certare parati,
 Et celeres impellere equos, dicto ocyus in me
 Incurfant, rapido volitantes turbine corpus
 Debile subuertunt, vi maxima et impete calcant
 Sub pedibus, ceno inuoluunt vesteſq; caputq;
 Artubus attritis dextris, genibusq; sinistris,
 Seminecem linguunt: qui me videre ruentem
 Exanimem prorsus credebant, illicò Honesti
 Astantes properè me circumcingere quassum
 Tollere humo satagunt, manibusq; levare iacentem
 Vicinamq; inter sese adduxere tabernam
 Attonitum subito casu, ingentiq; periculo.
 Me postquam paulò collegi, pergere ad ades
 Ardenter proprias opto, moriturus in illis.
 Maluatico paucò recreatis viribus, ipsum
 Me committo via, tardo testudinis instar
 Incedens gressu, socijs suffultus utrinq;
 Optatâque domo potior (tua sic mihi fulsit
 Gratia, summe Deus, tanto me amplexus amore es)
 Percussam uxorem (præmissus nuntius omnem
 Narrarat casum) flentem prælimine gnatum
 Conspicio, squalore domum, luctuque refertam.
 Illicò conscenso lecto, medicamina sumo
 Intus et externè contusis artubus apta:
 Sicq; brevi spatio saluus, sanusq; revertor
 Officij ad soliti curas, medicoſq; labores.

Alme

Alme Deus, quanto citius mea carmina possint
 Autumni frondes numerare, aut Sydera cœli,
 Quàm tua condignis benefacta recludere verbis?
 Quid faciam? Quò me vertā? Quæ deniq; ad aras
 Dona feram sacras? tibi quæ libamina fundam?
 Impar ego meritis diuinis, reddere dignas
 Quî potero, cùm non possim comprehendere grates?
 Ingratus viuam, moriarq; ingratus: at unum
 Hoc voueo sanctè (modò sit tua gratia præsto, &
 Hanc animam, nunquā ut vetera in peccata relabar
 Spiritus afflatu seruet, dextraq; potente)
 Spondeo me memorem semper fore; semper amores
 Ore animoq; tuos vigilans, recubansq; reuoluam.
 Hereat antè meo languesceus lingua palato,
 Immemor officij dediscat scribere dextra,
 Antè & lethali mens torpeat agra veterno
 Quàm tuus è nostro labatur pectore tantus
 Tamq; insignis amor, bonitas, patientia, virtus:
 Nec solùm laceris tua tradam encomia chartis,
 Garrula & assiduo celebrabunt carmine Musa.
 (Non tamen hoc deerit studium) sed vita, manusq;
 Te, nomenq; tuum, noctesq; diesq; sonabunt.
 Immemor antè mei sim Nominis, immemor artis
 Peonia, Charitum, dilectarumq; Sororum
 Pieridum, primis colui quas unicè ab annis:
 Immemor antè domus propriæ, chariq; parentis,
 Vxoris, gnati, sociorum, aut charius istis
 Si quid fortè fiet, me viuere deniq; & aura

Aetherea

*Aetherea vefci prius obliuifcar, ab ifto
 Pectore quàm tanta abfcedat Clementia, tantus,
 Tam diuinus amor, Bonitas tam immenfa fideſq̃.
 Quin (tu ſumme Deus) poſtremis annue votis,
 Quaffatam ſcopulis cymbam procul, ô procul illis
 Flectere da poſthac, quæis penè illiffa profundis
 Gurgitibus ſubito abſorpta eſt, & merſa ſub undis
 Nauigium lacerum placidè ſpirantibus Euris,
 Dirige ad æternæ, portum, veræq̃ Salutis,
 Naufragium in portu vitem, nec calce ſub ipſa
 Deficiam, indoctus veluti ſegniſq̃ Poeta
 Da letum extremo & fauſtū mihi Plaudite in aëtū,
 Sit mihi Pax finis, mihi ſit mors, Vita, Triumphus.*

Amen per Ch. Ieſ.

Karolus





καὶ τοῦ μεγάλου ὑπερηφάνιας.

*Quid fuisti?
Sperma pu-
gidum.*

Quid fastu turgescis homo? Quid vane superbis?
Fac vitæ spectes ordia prima tuæ.
Sperma olim fueras fluidum, distentaque flatu
Bullula parua, loco clausa perexiguo.
Exiguo, vilique loco, seu carcere opaco
Vrina hæc, fæces hæc tibi Murus erant.
Nunc animo ingenti totus vix sufficit Orbis,
Non domat auratam Persica Gaza sitim.

*Quid es?
Vas sterco-
reum.*


Dum tamen immisces cœlum, terramque tumultu,
Tu quid es intereâ, vas nisi stercoreum?
Aures, Os, Nares, reliqua emunctoria clarè
Hoc monstrant; nigros inspicere (Pauo) pedes.

*Quid eris?
Esca ver-
mium.*

Et quid eris lapsis paucis modò mensibus? audi,
Vermibus esca putris, Terra, cinis, nihilum.
Ista dies simul & noctes meditare (superbe)
Nec posthac plumas pandito (Pauo) tuas.
Tu noli (Suffene) ipsum te credere Magnum,
Ast humili potiùs Mente verere Deum,
Qui te, qui Cœlum, Terras, Maria, omnia verbo
Formauit, nutu perdet & ista suo.

En quî superbis (Homuncio) inter excrementa nate?





Ad Mecenatem Ecloga.

Tityrus. Corydon.

T. M Vnera dic (Corydon) cui cudis talia demens?

C. Munera quæ polio, claro mittentur Alexi.

T. Rusticus es Corydon, neq; munera curat Alexis.

C. Munera non curat, sed curat carmina Alexis:

Illa amat, & nostram (quamvis sit rustica) musam.

T. Carmina si placeant, non desunt carmina Iolæ.

C. Forsitan & nostros etiam non spernet amores.

(Candide, mitis Alexi) nihil mea carmina curas?

Nil nostri miserere? mori me deniq; cogis?


T. O Corydon. Corydon, quæ te dementia torquet?

C. Inueniam nullum si me hic fastidit Alexis.

T. Inuenies alios si te hic cōtemnit, in vno

Pastorum positæ nunquam, Spes Resq; fuere,


Excipias magnum si Caulæ παῖς Iesum.




*De lite inter Medicos Lond. &
Antonium de auro potabili.*

M Iraris fuluum lites mouisse metallum
Musarū in claustris, Phæbigenūq; Scholis?
Desine: nam Medicos neque concertare, nec
Mortales inter bella ciere, nouū est. (Aurū
Aurum omnes cupiunt, captant, placet omnibus aurū.
Hæc Helena est: rapiunt vtraque secta sibi.
Antonius liquidis simile hoc vult reddere lymphis,
Atque Midæ auratis pascere nos dapibus.
Internis Aurum vim magnam afflare Medullis
Præcipue Cordi, nemo negare potest.
Ast alij has artes, aurumque putabile rident,
Et quod portatur, gratius esse putant.
Hoc vacuas potius satagunt implere crumenas,
Tantaleamq; student sic satiare sitim:
Nec minùs arcanae reputant Virtutis in auro
Quòd modò gestatum multa stupenda facit.
Claustra pudicitiae soluit, secretaque Regum
Pandit, amicitiae diffuit omne genus.
Virtutem, formam, vires largitur, & arces
Expugnat clausas, ardua cuncta domat.
Nil mirum idcirco est Aurum pallefcere: cuncti huic
Tendiculas figunt, insidiasque struunt.
Iuridici, Medici, qui sacra oracula tractant,
Heu nimia Idolum hoc ambitione colunt.

FINIS.





2000

1000

